

Bosna i Hercegovina
Federacija Bosne i Hercegovine
ZENIČKO–DOBOJSKI KANTON
OPĆINA MAGLAJ



Bosnia and Herzegovina
Federation of Bosnia and Herzegovina
ZENICA – DOBOJ CANTON
MAGLAJ MUNICIPALITY

**IZVJEŠTAJ O UTROŠKU SREDSTAVA I REALIZACIJI PROJEKTA
ZBRINJAVANJA PASA LUTALICA I NAPUŠTENIH PASA NA PODRUČJU
OPĆINE MAGLAJ ZA 2018. GODINU**

Maglaj, juni, 2019. godine

I Uvod

U skladu sa Zakonom o komunalnim poslovima (Sl.novine Ze-Do kantona broj 17/08) članom 3. definisana je djelatnost zajedničke komunalne potrošnje u koju spada obavljanje kafilerijskih usluga (poslovi stalnog i sigurnog uklanjanja životinja, pasa lualica, lešina životinja, određenih nusproizvoda klanja, konfiskata i valioničkog otpada sa javnih površina).

Zakonom o zaštiti i dobrobiti životinja (Sl.novine BiH broj 25/09, član 27., 28. i 29.) definisana je odgovornost ljudi za zaštitu i dobrobit životinja u pogledu držanja, smještaja, ishrane i zaštite napuštenih i izgubljenih životinja.

U cilju prevencije širenja bjesnila i drugih zaraznih bolesti, zaštite napuštenih i izgubljenih pasa te sigurnosti i zaštite svojih građana, Općina Maglaj prihvatila se obaveze sufinansiranja Projekta zbrinjavanja napuštenih pasa, pasa lualica na području općine Tešanj i Maglaj za 2018.godinu i za te potrebe u Budžetu/Proračunu na poziciji 613 328 planirala sredstva u iznosu od 16.000,00 KM sa PDV.

II Realizacija projekta

Općina Maglaj je dana, 25.05.2018.godine potpisala Ugovor o sufinansiranju Projekta zbrinjavanja pasa na području općine Maglaj za 2018.godinu, broj 01-49-524-1/18 sa Udruženjem građana "Pas " Tešanj, u cilju što kvalitetnijeg zbrinjavanja pasa lualica i napuštenih pasa uz pomoć higijeničarske službe u formirano sklonište za pse, koje se nalazi na teritoriji općine Tešanj i koje ispunjava uslove određene Pravilnikom o osnivanju i uslovima koje moraju ispunjavati skloništa za životinje.

U protekloj godini higijeničarska služba Udruženja građana "Pas" Tešanj redovno je obilazila čitavo područje općine Maglaj i odvozila uhvaćene pse lualice i napuštene pse u sklonište za pse, najčešće na poziv službenog lica zaposlenog u Općini Maglaj a ponekad i samoinicijativno ili na poziv građana općine Maglaj.

Uposlenici higijeničarske službe Udruženja građana "Pas" Tešanj vršili su aktivnosti predviđene Ugovorom 2 puta sedmično a nekada i češće, u zavisnosti od potrebe.

Psi su se najčešće okupljali u školskim dvorištima i uglavnom su to bili psi koji su dolazili iz prigradskih naselja za djecom.Pored toga i građani su takođe hranili pse koji su se okupljali u čopore i stvarali strah kod djece i odraslih, ali i to se na vrijeme rješavalo i nije stvaralo velike probleme.

Broj pasa lualica se stalno smanjivao i stanje je bilo zadovoljavajuće a u prilog tome ide i činjenica da u protekloj godini nismo imali evidentirane napade pasa lualica na stanovništvo na cijelom području općine Maglaj.

U toku 2018. godine uhvaćeno je na čitavom području općine Maglaj 148 pasa koji su odvezeni u sklonište za pse.

Ukupno je u toku 2018.godine Udruženju građana "Pas" Tešanj uplaćeno 16.000,00 KM sa PDV i to u 4 tranše, kako je predviđeno Ugovorom:

- prva rata 6.000,00 KM,
- druga rata 4.000,00 KM,
- treća rata 4.000,00 KM,
- četvrta rata 2.000,00 KM.

Saradnja Općine Maglaj i Udruženja građana "Pas" Tešanj je bila zadovoljavajuća u protekloj godini. Saradnja građana Maglaja sa Općinom Maglaj po pitanju prijava pasa lualica je takode bila zadovoljavajuća.

Zajednički cilj nam je bio da se što više smanji broj pasa lualica i napuštenih pasa na području općine Maglaj, čime bi se povećala sigurnost stanovništva a naročito djece.

Obradivač:

Jasmina Alić, ing.grad.

Kontrolor:

Fuad Hajrulahović, dipl.arh.



NACELNIK OPĆINE

Mirsad Mahmutagić